

Transkription von Stadtbucheintrag QBD 1325a

Ort, Datierung: Quedlinburg, 1325-??-??

Signatur: Stadtarchiv Quedlinburg, B/a HS 1a, S. 24-25

Inhalt: Bericht über Sühne und Vergleich zwischen Albrecht II., Bischof von Halberstadt, und den Grafen von Regenstein

Na goddes iar dusent iar drūhundert iar in deme vif vn(de) / twinteghestem iare . by der tyd do greue albrecht vn(de) / greue b(er)nhard de brode(re) van reghensteyn der do dat hus to / heymborch was voredghedingeden de alden stad to quedeli(n)g=/eborch . do ward ghekoren eyn biscoph to halu(er)stad . vd deme / slechte der h(er)toghen van brunswik . de heyt biscoph albrecht . / des irsten iares also he was biscoph gheworden . satten sik / wedder ene vn(de) wedder sin godeshus , disse vore benomede(n) / greuen . greue albrecht vn(de) greue b(er)nhard van reghensteyn / vn(de) deden deme goddeshuse groten vn(de) bedrepliken scade(n) . / ir de biscoph to were queme . dolest bete(n)gde sik de biscoph / to werende , vn(de) toch vor en hus dat der greuen was . dat / hus dat heyt de gūntekenborch . vn(de) lach hir to quedeli(n)geb(or)ch / vor deme hoendore . twischen der ebbedisghen borch vn(de) / sente wiprechte , vn(de) de biscoph wan dat hus . do he dat / hus wan , do venk he oppe deme huse beyde ridde(re) vn(de) / knechte , vn(de) alle de de oppe deme huse do weren . do de gre=/uen dissen scaden ghenomen hadden do beghereden se ener / sone . vn(de) leten deghedi(n)gen dar vmme . des koren se in beÿ=/dentsiden deghedi(n)ges lūde . des biscofes deghedi(n)ges lūde / weren . greue henric van hoensteyn de Jūngere des / do sundershusen was . vn(de) h(er) arnold stam(er)e eyn ridder de / do was des biscofes houetman : der greuen deghedi(n)ges / lūde weren greue conrad van w(er)ni(n)gerode . vn(de) eyn ridder / de was ere houetman de heyt h(er) henric schat . disse vere / deghedinges lūde berichteden dat orleghe , vn(de) vor sone=/den de h(er)ren , gūtliken , vn(de) vrūntliken , also . also hir na steÿt // ghe screuen . de biscoph scolde laten breken dat ghewun=/nene hus . vn(de) scolde los gheuen alle de vangen / de he oppe deme hus ghevangen hadde . vn(de) de greue(n) / scolden deme biscope to ener wedderstadi(n)ghe gheue(n) / drūhundert mark stendalishes silue(re)s . vn(de) laten / em de oldenstad to quedeli(n)geborch vore to deghedi(n)gende / ewechliken also ere vader greue olric vn(de) se na em / de stad voredghedi(n)get hadden wente an de tyd . dat / wilkoreden beyde de biscoph vn(de) de greuen . mit gūden / willen . vn(de) loueden dar op ene gantze sone . vn(de) / kusseden ene vrūntlike sone . disse sone ward vol/toghen vn(de) kūndeghet to den barvoten broderen / in der olden stad in deme grashoue bi der mūren / dede licht op dat ostene bi der bode . disse sone kun/deghede greue bernhard de vorste van anhald . dar / weren to ieghenwardich disse dikke ghenomede vorste / van halu(er)stad . vn(de) de greuen . de dat orleghe antrat / vn(de) de deghedi(n)ges lūde . de de sone ghemaket hadden / vn(de) her otte de Edele van hademersleue . vn(de) dumh(er)=/ren van halu(er)stad . prouest werner van wantsleue / greue henric van hoensteyn de kūster . her bartold / van kranikuelde .. de van hesnum . h(er) h(er)bord mor . / Ok weren dar ridde(re) . h(er) albrecht van dem berghe . her / b(er)tram van velthem . h(er) Jan van romesleue . h(er) Eric / van vreckenleue . h(er) heÿneke van hoyem de hinkende / h(er) heÿneke van hoyem de langhe . h(er) siuert van hoyem . / h(er) gheuerd van hoyem . h(er) b(er)nhard vn(de) h(er) ha(n)nes van // dituorde . ridde(re) . vordm(er) conrad van dem berghe . con/rad van reÿnstede . otto van hakeborne . abeke van arn=/stede . henric mus . knechte . van des rades weghene / van halu(er)stad . klaus lenteke . heÿso pellen . van des / rades weghene van aschersleue . hannes scūlde . vn(de) / jan

rozslaw . van der stad weghene van quedeling=/eborch . henric van tweuelendorp . henni(n)g hilmer
borgh(er)=/mestere . danel van orden . bernard van bekeheym . / hannes mester . henni(n)g van
redessleue . tilo van / groni(n)ge . conrad van lafforde . radmanne ghemene . / vnde vele anderer herren
. riddere . knechte . vnde bor=/ghere . de lang to nomende were . do man vor dat hus irst / toch dat
sach an der nacht na palme(n) des dinsedaghes . also . dat / de vyande in der krummen midweken des
morgkens vor / deme hus bedagheden . vnde in der midweken in dem / paschen vmme vespertid
daghes . ward dat hus ersteghen / vnde ghewunnen . dat hus irsteich en ridder de heyt / her asquin van
dem stenberghe